



Орган Лемковского Союза

Выходит в каждый четверг.

Редакция и администрация в Крыниці. — Адрес „Лемко“ Крыница.

Ище ест на складі иллюстрированный календар „Лемка“ на рок 1937. Крім того выдано также малый кышенокый календарик для дітей и великий календар стінный.

Цена одного экземпляра выносит 50 грошей

и кошты пересылки. При замовленю понад 10 календарей кошты пересылки покрыват администрация „Лемка“, котра дае также оден календар даром.

Доход с малых календариков, котрых ціна выносит 10 грошей, перезначаме на Руску Бурсу в Горлицах.

Редакция.

Натягнена струна.

Посол Голынский, референт прелиминара на р. 1937/38 в сеймовой комисии, вычислил, же в р. 1938 податок буде высший о 9% от податку, який плачено в р. 1928 — то ест в часі наилучшого господарчого положеня.

От року 1928 продукция, аджек и доходы упали о 50 процент, то значит, же при поменшенем до половины доході, заплатиме податку больше, як платили мы в року наилучшой конъюнктуры. Другыма словами: обтяжене населеня податками ест тепер перешло 2 раз сильнійше, як в р. 1928. Ест то доказ, же податкова струна ест натягнена. Ище лучше иллюструе то то велике число екзекуции за незаплачены податки. Тых екзекуций ест тепер около 15 миллионов. Число того прибере отвітну вагу, если пригадаме собі, же в Польщі ест 8 миллионов всіх родин, а число выкупованных промысловых свидоцтв (патентов) выносит всего лем 600 тысяч. Значит того, же на каждую родину припадают 2 екзекуции за незаплачены податки. Што-ж с тым робити. Отписати тоты податки

не можна, бо то то деморализовало бы людей, обнижити податки не можна с огляду на бюджетну равновагу.

Бюджет державный ест и так барз низкий в пропорции до бюджетов других держав, а также и в пропорции до наших потреб.

Борба меже Сталином и Ворошиловым.

Англицкы газеты приносят обильны вѣсти о отношениях, які вытворили ся в послѣдних часах в советской России. Газеты тоты подают, же в часі екзекуции засуженных в процесі Радка и тов. розстріляно не 13-ох, а лем 6-ох засуженных. Решту переслухуе Г. П. У. в справі тых оскарженых, котры станут перед суд в квітні. Официальна советска агенция ТАСС. заперечат вѣстям о аресті вдовы по Ленині и жены Литвинова, але кореспонденты англицкых газет вѣсти тоты подтверждают. Они пишут, же Крупская (вдова по Ленині) нахо-

дит ся вправді на свободі, але против ней веде ся слідство, а жена Литвинова ест под надзором Г. П. У. и не може выходити нигде с помешканя.

Прото тыж лем оживлене экономичного житя, поднесене продукции во всіх галузях и поднесене добробыта краю и всіх верств его населеня може отворити новы жизнедаины жерела для нашего державного бюджета.

Правительство мадрытске просит о закончене войны.

По заняту Малягы через повстанцов мадрытске правительство нашло ся в тяжком положеню и, не маючи видов на побѣду, звернуло ся до ген. Франко, яко начального вождя повстанчих войск, штобы перестати провадити дальшу войну. Ген. Франко зажадал рішительного подданя ся правительственных войск.

Если бы пришло до порозумленя меже правительством и ген. Франко, закончила бы ся домашна война в Испании.

Помимо тых переговоров бои под Мадрытом идут дальше. Повстанчы войска заняли на полудневой части мадрытского фронта цілковице пространство от берегов Ярама и Манца-

нарес. Головна дорога, котра лучит Мадрыт с Валенциом, находит ся тягом под сильным огнем повстанчой артиллерии и всі транспорты сут на той дорозі не возможны.

Трудна ест также эвакуация Мадрыта и прибытие подкріпленя, бо ест она возможно лем бочныма дорогами, котры розмокли от дождей.

В кругах повстанчих офицеров судят, же по отособненю Мадрыта, положене столицы стане ся безнадежно, тым больше, же по утраті Малягы в рядах мадрытской милиции замечат ся падене духа и знеохочене.

дит ся вправді на свободі, але против ней веде ся слідство, а жена Литвинова ест под надзором Г. П. У. и не може выходити нигде с помешканя.

Велику сенсацию вызывают донесеня о остром конфликті меже Сталином и Ворошиловым. Г. П. У. на приказ Сталина мало арестовати ряд высших офицеров червеной армии. Коли довідал ся о том Ворошилов, приказал войску приарестовати килькох высших урядников Г. П. У. В Москві иде сильна борба о власть меже двома найсильнійшими людьми в Советах. В армии ест сильне недоволене с причины розстріляня двох офицеров генерального штаба — Богуславского и Пушина, а также по поводу зарядженя через Сталина ареста по процесі Радка и тов. 1.200 офицеров. Против тому выступил Ворошилов, што червена армия приняла с доволенем.

В день екзекуции засуженных в процесі Радка и тов. арестовано в самой Москві 500 людей за крытыку вырочу и екзекуции.

„Чистка“ обняла также заграничных коммунистов, жиющих в России. Меже иншими арестовано сына испанского амбасадора в Вашингтоні Дель-Рио, котрый робил в одной фабриці под Москвом.

Берме ся до работы.

Ест одно преданє, же в далекой пустыні жил оден человек. Под старость заболіли у него всі внутренности. Боліло сердце, боліла печень, боліли ключи — вьсьо боліло и то так, же не мож выдержати. От людей помочи не мог он ждати, бо жил сам на пустыні и он почал горячо молити ся Богу. Услышал Бог его мольбы и змиосердил ся над ним. Раз в часі сна видит он, же два ангелы появили ся коло его постели, розрізали его брѣх, выняли всі внутренности, вычистили их, вымыли и намазали якомси мастю. Пак вьсьо положили на свое місце, спрыснули чимси и вьсьо зросло ся, як жебы николи никто не різал. На другой день старец встал здоровым и сильным, як жебы николи нич го не боліло.

Не оден читатель, як прочитат тото преданє, подумат собі, же было бы барз добре, если бы и ему ангелы так зробили. Нич бы тото не коштовало, а силы и здраве вернули бы знова. В загалі у нас много ест таких, котры сами не любят ничим ся заняти и все лем оглядають ся на других и на них спыхают каждую роботу. У нас на каждом кроку ест охота зващити на других тото, што повинно быти зроблене своими трудами. У нас ест и тото лукавство, же добрыма мы бы хотіли себе показати, але потрудити ся ради того, руки опадають.

Килько то раз на собраниях ухвалять ся важны рішення, котры если бы были хоц в половині выполнены, дали бы великы користи, килько то раз собрания на собраниях прирека-

ють взяти ся за тоту ци иншу роботу, а кончит ся тото все одинаково, же люди порозізджают ся и ждуть, ци ангелы не придут и не зробят за них тото, што они мають зробити. Але ангелы не придут, хоц они при доброй работі будут коло нас. За работу треба взяти ся самому и то каждому на своем місци. А работы ест дуже. В многих селах нит ище читальень им. М. Качковского и молодеж не мае ся где сходити и прочитати пожиточну книжку ци газету. В других селах тоты читальни не проявляют належитой діяльности. В справі кооперации зроблено ище меньше. Або их нит, або сут, але куліють, бо знова люди ждуть, штобы ангелы за них переводили рахунки и провадили книги и діловодство. Тоту саму историю видиме в каждой другой отрасли народно го житя. Нит у нас спортивных кружков молодежи, нит заинтересованя ся справами поступовой сельской господаркы, нит также масовой охоты найти убочны доходы, котрыма мож было бы часто подреперовати наши бідны господарства.

Хотячи, штобы жите наше уложило ся веселійше и штобы яснійше засвітило нам сонце, мусиме передовсем отрясти ся с той мертвоты и взяти ся разом за діло. Нехай никто не жде на другого, але каждый для себе и других буде понукачом, нехай не откладат на завтра, але зараз всі розгляне ся, чого у нас бракуе и што дало бы ся найскорше зробити, а пак до работы аж до успішного конца.

Конфликт меже войском и парламентом в Японии.

Читаючи в газетах вѣсти о том, што діе ся на Далекоем Выході, здавало бы ся, же японский народ ест барз неспокойный и же он хоче воевати на ліво и на право, лем бодай поширити границы своей державы и своих вилывов. Тымчасом в дійстности так не ест. Народ, парламент а также и правительство хотіли бы жити спокойно и со всіма в згоді, а до войны ире лем войско, а властиво група высших войсковых офицеров. Же так ест на правду, докавуе и послідный конфликт, який мал місце дня 21. січня т. р.

Ище 24. грудня м. р. предводителі двох головных партий (либералов и консерватывстов) заатаковали министра заграничных справ, Ариту, за некористну для Японии политику. Они зашмарили ему, же непотребно заключил договор с Німеччином, бо тото заострило отношения Японии с Росиом. Появленє ся Німеччины на Далекоем Выході занепокойло также Англию и Америку. Перша боит ся о свои посілости и вилывы в Кытаю, а друга має дост клопоту на Тихом Океані с Япониом и неохотно видит там ище вилывы нового партнера. Кромі того парламентови не подобало ся тото, же штаб армии хотіл утворити нову институтию, котрой подпадали бы sprawy державной политики, ухваляне бюджета и гляданє новых жерел дохода на потребности войска. В таком разі министры мали бы барз мало до гвареня, а парламент был бы лем для парады.

Замах войска.

Войско зажадало также признаня великих сум на армию в бюджеті на р. 1937—1938. Тоты жадања (340 милионов на морскы силы и 484 милионы на сухопутну армию) встрітили ся с неохотом в парламенті.

Колі на початку р. 1936 мин. финансов

Такагаші старал ся зменьшати бюджет войсковый, офицеры убили его за тото (26. II. 1936) и обалили правительство Огады. Войско тым способом заявило, же не позволит перечеркнути свои амбитны пляны.

Покликано нове правительство и руководитель его Гирота прирек войсковым кругам увеличити кредит на армию и перевести внутренну реформу. Не понаглял ся однак с выполнением тых приречень, бо не хотіл зражати собі парламенту, знаючи, же парламент ест противный тым всім жадањам войска. Але по пару місяцах ген. Тераучи заявил, же войско долше ждати не буде и зажадал реализаций приречень.

Тепер наступило зближенє партии либералов и консерватывстов и на засіданю парламенту дня 21. січня т. р. обі тоты партии приступили атаку против правительству. Зашмарено правительству, же провадит **шкодливу политику в Кытаю** и же довело до **заострення конфликта с Совітами**, а также и с **Америком**.

Опозиция выступила против жадањам войска и довела до того, же правительство Гироты уступило.

Цисар Японии поручил утворити нове правительство генералови Угаки, котрого войско не любит. Конфликт в Японии продолжат ся и не знати, ци нове правительство вдоволит группу офицеров, ци тыж дойде до нового замаху, котрый може закончити ся войсковом диктатуром?

У лікара.

— Скаржите ся на болі в лівой нозі. Трудно, старость, не радость.

— И не плетте дурниц, бо моя права нога не молодша, а мя не болит.

Як жиє бывша австрийска цисарева Зыта

Вдова по бывшом цисарі Каролі была десятом дочком князя Роберта фон Парма с его другого супружества с португальском инфантом Мариом Антонином, не мрла в своих дітинячих літах о том, же приодіе цисарску корону, а тым больше, же так скоро замінит ю на терневу.

Зыта не зазнала счастья в своем житю. Дітинячий вік не дал ей достатка, бо родичи поза двома родовыма замками, не мали жадного маекту. В часі, коли была цисаревом, была война; зрештом была ньом вьсього 2 літа. Пак начало ся волокытство и біда.

С семерома малых дітей мусіла втікати до Швайцарии, где жили с продажи забраных с собом скарбов. Погодивше, по неуспішной пробі Кароля II. опанованя силом венгерской короны, пришло вигнанє. Так як звычайных преступников, перевезено обоє Габсбургов с цілом чередом их дітей Дунаєм на Чорне Море, а с оттамаль кораблем аж на остров Мадеру, где на основі рішення правительств держав Антанты, были интернованы.

Пол року позднійше Кароль II. умер на грыпу, лишаючи свою молодую, бо вьсього 30-літну жену разом с дітьми без якого нибудь заосмотреня. В пару місяцов потом пришла на світ осма дітина — Елисавета.

Позбавлена яких нибудь доходов, несчастна женщина жила в крайной нужді со средств, які от часу до часу жертвовали ей венгерскы арыстократы.

Аж, коли судьбом бідной вдовы заинтересовал ся испанский король Альфонс XIII., за его интервенциом державы Антанты позволили Зыті поселити ся в Ель-Прадо, недалеко Мадрыта. Паденє испанского трона позбавило ю однак и того азыля. В осени 1929 р. перенесла ся до Бельгии, где маркиз де ля Кроа отдал ей до роспорядимости свой замок.

Наконец усміхнула ся и ей судьба. Австрийска республика знесла конфискату цілого прыватного маекту Габсбургов. Нужда скончила ся. Зыта перестала жити с ласкы чужих. Не подумала однак и втотчас о собі. Вырекла ся вьсього для дітей. С подвоеном энергиом приняла ся за образованє сынов и дочок, у котрых не лем в выхованю, але также и в откормленю было много до желаня.

Найольшу однак увагу звернула на найстаршого сына, Оттона. Не тратила николи надежды, же первородный сын послідного цисара Австрии и короля Венгрии, верне колиси на трон. Ест тѣ тепер одынока цілє житя той амбитной женщины. Она тыж руководит каждым кроком Оттона и она глядат для него жены с дому, котрый бы через свои звязи облегчил молодому Габсбургову приодіти корону.

Варшава: Дня 7. лютого мал місце в Варшаві несчастный случай. Сын львовского воеводы Белины Пражмовского, Збигнев Белина Пражмовский подпоручник, перекадал револьвер с одной одежи до другой. В часі том револьвер выстрілил и куля перешила ему грудь, от чого наступила смерть.

Похорон, в котром, кромі опечаленой родины, приняли участь найвысши достойники войсковы и державны, отбыл ся дня 10. т. м. в Образові, родинном маекту в повіті сандомирском.

Як ратовати слаби озимины.

Со всіх стран краю доходят вісти, же стан озимин того року представят ся значно планьше, як попередного року. Зимна осень а также тяглы дожджи вплынули зле на розрост вчашных озимин и не допустили до засіяня озимин поздніших.

Загально річ беручи, некористны атмосферичны условия утруднили сильне закоренене ся озимин в осени, што може некористно вплынути на их перезимоване и дальший розрост на весну.

Тогорочны шкоды на озиминах можна буде, річ ясна, точно оцінити аж на весну, коли озимины зачнут „рушати”, але уж тепер можна сподівати ся неприятных несподіванок и тому не пошкодит познакомити ся со средствами, котрыма можна вчас на весну прорідженым и ушкодженым озиминам помочи.

Если озимина ест барз рідка, то не остав

нич иншого, лем поле заорати и посіяти на нем даяку ростину пашну, але як проріджене ест середне, то треба озимину ратовати.

При ратованю озимин ходит о того, штобы мало розвинены в осени корені побудити до скорого розросту и побераня корму, штобы ростины в скором часі могли вскріпити ся и належито роскоренити. В той ціли треба им дати корм азотный и то такой, котрый дійствуе безотложно, дае ся легко роспустити и легко через ростины приняти. Кормом таким ест салитрак, або салитра вапнева, котрого даеме 150 кг. до 200 кг. на 1 га, в зависимости от прорідження озимины.

Салитрак даеме втотчас, як озимина не барз выгинула, а также штобы озимину подкріпити на весну, а вапневу салитру втотчас, як озимина ест барз рідка.

Якы кролики оплачат ся ховати.

До звіряток, не вымагаючих дуже заходу и даючих незлы доходы, належат кролики и тому было бы порадо, штобы их годовля розвинула ся. При започаткованю годовлі кроликов належит передовсем рішити, ци хоче ся ховати кролики лем на власну потребу ци тыж хоче ся годовлю розвинути до больших розміров в цілях торговельных. В одном и другом случаю сут дві породы кроликов до выбора — або кролики кожушковы, отличаючи ся добрыма свойствами кожуха, або волнисты, со специальным гатунком доброй волны.

Кролики кожушковы вымагают меньше заходу, як кролики хованы для волны, при котрых треба барз уважати на чистоту волны и систематичне чесане и скубане волны. В малых господарствах ліпше ся оплачат ховати кролики кожушково-мясны, особенно варта ховати білы клопоухы, або білы віденскы.

Их пушистый білый кожушок ест в торговлі ціненый, а кромі того макт они добру вагу.

На волну надают ся білы кролики расы англицкой. При хованю тых кроликов ест однак больше клопоту.

Брудны яйца обнижают ціну

В експорті наших продуктов рольных велику позицию занимают вывоз яиц. Але якость и быгляд яиц мусит отвічати вымогам продуктов вывоженных за границу. Одним великом вадом, котра утруднят успішний розвой експорта яиц, ест их брудный выгляд. Были случаи, же с той причины задержано вагоны с яйцами на границі. Прото во власном интересі село повинно ся старати о чистый выгляд яиц, бо яйца брудны обнижают вартость и ціну того продукту и тым самым приносят селу шкоду.

Бесіда кума Ваня с кумом Грицом.

Кум Ваньо: Та чули-сте куме, штоси планно с нашима украинчиками! В остатных часах так ся роскричали, як жебы уж внет мали вмерати!

Кум Гриц: Та того не дивота. Я все бесідовал, же они долго не поживут, бо то уж от роду хыдерлявы были и все их штоси внука боліло.

Кум Ваньо: Але тепер мусят мати страшечны болі, бо другт ся окрутечні. Читал-ем недавно их „Діло” (Ч. 15. с 24. січня 1937.) што там за лямент, што за плач и йойк, аж жаль слухати, бо то хоц и невыкараны, але все наши братя. Плачут они и на Апостольску Администрацию в Рыманові, же то она нич не робит и ани пастырского листу до своих вірных не выдала, плачут на комунистов, йойчат, же не дают им ище „Народный Дом”, ляментуют, же б. посол Бачинский жие ище на свободі, плачут и йойчат тильо, же не годеи ани человек вшитко спамятати.

Кум Гриц: Та оно реку, мі самому чудно, же наш Владыка, на котрого мы ся так тішили, якоси нич о нас не дбат. Ани ся людям не вкаже николи, ани не отозве ся и люды не знают, якый он ест, бо не дае ся никак познати. Я сам ходил до нашего егомосця перед святыми звідати ся, ци буде даяке слово и привитане от епископа на свята, а егомосць повіли мі, же до тепер не пришло нич. А народ жде

и грызе ся, бо остал, як сирота, котрым никто ся не займе. Але мене чудуе, што того вшитко може „Діло” обходити?

Кум Ваньо: Та „Діло” пише, же его окрутечні болит того, же на Лемковцині ширит ся якыйси комунизм, тай прото нападат на Апостольского Администратора.

Кум Гриц: Йой куме, та того я уж никак не розумію, бо як читам газеты, то праві в каждой пишут, же ту або там веде ся процес против комунистам — украинцам. Недавно читал я, же во Львові была в комунистычном процесі сестра одного егомосця с Перемышля, што то, реку, ест приятельом самого бискупа Коцыловского. Та чом же еп. Коцыловский не заказал ей занимати ся такыма бридкыма справами? Знам также с газет, же в криминалах за комунизм сидит моц сынов украинских священников, а гдєкотры, то повтікали аж гдеси на Кубу, ци Ямайку. А у нас Славу Богу народ жие спокойно, робит тяжко на фалаток хліба и до политыкы ся не мішат.

Кум Ваньо: „Діло” пише, же комунизм ширит ся в Тыляві, Мшанні, Зындранові, Барвинку и Вороблику.

Кум Гриц: Е! тат о того не трудно. Знам тамты страны добре, бо там часто с мазю ходжую. Покля в Зындранові жил старый егомосць небощик О. Копытянский, никто там о комунизмі не хыровал, але пак як пришол по нем „пан вітець“ Бакарівський, а с ним и якыйси швагер не швагер, та и швагерина, по-

Комуникат.

По мысли арт. 11. зарядження Президента Річи Посполитой с дня 27. X. 1933. о законі о публичных підприємствах забавовых (розрывковых) (Дн. З. Р. П. Нр. 85 поз. 632), а также § 8. зарядження Мин. Внутр. Діл о выконаню закона о публичных підприємствах забавовых с 28. XII. 1933. (Дн. З. Р. П. Нр. 103. поз. 801) на творы с текстом словным, перезначены до публичного выконаня (аджек на всякого рода представлення, ревию, продукции словны и т. д.) належит передом достати апробату Староства.

В той ціли належит при вношеню поданя о позволене на уряджене представлення, ревию, продукции словных и т. п. переслати в приложеною разом с поданем два примірники твора (псы) с текстом словным, с котрых один остае в Старостві, а другой вертат Староство подаючому просьбу с отвітном аднотациом, относительно апробаты, або отказа. Если твор ест написанный в польском языке, належит также переслати перевод на державный язык.

Сценичны творы польской литературы клясычной, а также oryginalны словны тексты до творов клясыков музыки польской, не вымагают попередной апробаты Староства.

Понеже ряд товариств и союзов, а также людей уряджаючих найчастійше представлення, не приміят ся до тых законных жадань, Староство перестерігат товариства и союзы, а также особы, што в будучности не буде давати позволеня, если наведены приписы не будут выполнены.

За посередництво в улькованю гостя в готелю, або пенсionato не належит ся жадна заплата.

Повітове Староство Ново-Сандецке повідомят, же посередникам, котры запровадили гостя до пенсionato, або готелю и порадили ему там замешкати, не належит ся жадна заплата и же поберане такой заплаты ест недопускаеме.

чало ся вшитко псовати. Люды перестали ходити до церкви но и може там аж и гдєкы стали комунистами. И в других тамтых селах так ест. Покаль не было там украинцов, не было и образы Божой, ани комунизма, а тепер то аж не рад там ходжу, бо хоц яку заразу там мож надыбати. Ріжны Великы и Малы, ріжны Грубы и Опаслы волочат ся по селах и вводят баламуту.

Кум Ваньо: Правду гварите куме. Ріжна біда пхат ся до нас. Заходят ту и украинскы лапсердакы, пхат ся также комунистычна Партия Польска (К. П. П.), але нас того не обходит, бо того вшитко не наше. Як уж К. П. П. хце конечно политыкы, най политыкуе, але меже поляками, мы на того нич не порадиме, але до нас най не пхают носа, бо мы руснакы знаме, чога маме ся тримати и не даме ся збаламутити ани К. П. П., ани комунистычным украинским посіпакам.

Кум Гриц: Та того певне, же мы баламуту выженеме скоро с наших гор. Але мі все жаль тых украинцов, же они так плачут и хтіл бым им дачим помочи.

Кум Ваньо: Та дайме им раду, най пильнуют своего носа, по чуже най не посягают, най ся им не захтіват чужого „Народного Дому”, най выховуют лучше свою молодеж, штобы с ней не выростали ріжны саботажисты и дыверсанты, а втотчас успокоит ся их совість и болі уступят.

Що чути в світі.

Льондон: С Рыгы пришла сенсацияна вість о замаху на генерального прокуратора Совітов. Вышинского, котрый оскаржал в недавном процесі Радка и тов.

До самоходу, котрым Вышинский іхал с Москвы до міста Бородино, дано килька стрілов с револьвера. Кулі розбили шибы в самоході; Вышинский вышол ціло. По прибытію до Бородино Вышинский повідомил о замаху Г. П. У. Выслано на місце агентов, котры однак не зловили напастников, але арестовали 49 людей, при котрых найдено револьверы.

Льондон: Англицкы газеты доносят, же слюб князя Виндзор с Симпсон отбуде ся под конец квітня во Відні, або на замку Енцесфельд. Пані Симпсон приїде до Енцесфельд 24-го квітня. Маюť они взяти цивильный слюб.

Льондон: Негус Абисинии находить ся в трудном финансовом положеню. Недавно продал он свое серебро, а тепер хоче продати свои акции одинокой желізной дороги, ведучой с Джибутти до Аддис-Абебы. Негус має 40% тых акций, 10% находить ся в италиянских руках, а 50% належит до французов. Акции негуса представляют вартость около 5 миллионов злотых, але негус достане за тоты акции значно вышю ціну, бо хоче их купити Италия, а Франция не може до того допустити, штобы Италия маючи большинство акции, будовала бочны лени той дороги, бо втотчас дорога Джибутти — Аддис-Абеба встратила бы для Франции цілковите значене.

Валенция: Абисинский князь Гевет, сын раса Емерцу, оден с найотважнійших абисинских вождов, приїхал до Валенции и хоче вступити до межнародной бригады, воюющей по стороні правительственных войск. Он заявил, што воєвати против фашизма, то тото само, што боронити независимости своего краю. Край мой не хоче стати ся колоніом Муссолиниого и народ, як лем може, боре ся дальше против наїздникам.

Берлин: В марті перед военным судом начне ся процес против 20-ох коммунистов, оскарженных о зраду, пополнену через кольпортжлетучок о противдержавном змісті.

Берлин: В Берлині уживаюť до тягання возов т. зв. желізных коней. Сут то малы, звычайно трохколесны самоходы о сильных моторах. До тых самоходов приваджат ся тягаровы возы с меблями, будовельными материалами и иным тягаром, котры тягнут „желізны коні”.

Нью-Йорк: „Ля Дискуссион” газета, выходяча на острові Куба, выдавана через партию народово-демократичну, помістила острый артыкул против жидов, в котром меже иным написано: „конечно треба выгнати с Кубы жидовских гандлярей, бо жиды приносят кубанцам и натурализованным испанцам значно больше шкоды, як граждана Ямайкы, котрых высылат ся масово с Кубы. Чом не позбываеме ся жидов? Сут они завадом, котру належит выкоренити. В день, коли с наших пристаней выплынут кораблі наладованы жидами и гражданами Ямайкы, а также всякыма непожадыма чужосторонными элементами, можеме сказати собі, же живеме в свободном краю”.

На Кубі ест около 12.000 жидов на загальне число жителей 4 миллионы.

Шербург: От недавного часу море вышмарят на береги французскы людскы трупы. Часто трупы сут повязаны по два мотузами. При тілах ніт ниякых документов, лем по одежи можна познати, же сут то испанцы. Сут то віроятно жертвы страшной братоубийственной войны в Испании.

Москва: Совітскы газеты приготавлиют уж настрои мас до нового процесса в Москві. В процесі тем маюť судити Бухарина, Рыкова, Угланова и других. Творили они также оппозицию але в напрямі правом. В „Комсомольской Правді” появил ся артыкул Москалева, котрый твердит, же оппозиция права ест так само для Совітов шкодлива, як и оппозиция ліва Троцкого и его сторонников и што обі тоты оппозиции стреміли до обаленя совітского порядку в России и привернення капитализма.

Рим: Дня 8. II. промовил через радио Папа Римский. В своей бесіді завзывал Святійший Отец до братерской любви меже народами и до заперестаня воєн. При конце промовы уділил Папа народам апостольске благословене.

Вісти с краю.

Варшава: На місце перенесеного на пенсию вицеминистра внутренних справ Генрыка Кавецкого заименовал П. Президент вице-министром Юрия Пацьборковского. Юрий Пацьборковский має 44 літ. Гимназию окончил в Варшаві, университет в Петрограді. Был воеводом келецкым и погодивше министром соціальной опеки в кабинеті Славка. В р. 1935 выбранный послом до Сейма, але в мин. року зложил мандат и принял становиско дыректора департаменту политычного в мин. справ внутр.

Катовицы: С над німецкой границы доносят, же появили ся там на небі: величезный крест, три трумны, меч и карабины. Незвычайне тото явлене тревало пару минут, а пак счезло. Того самого дня вечером появила ся на небі велика корона о барвах червено-желтавых, а также сильный столб огня и огниста куля, котры упали на поля.

Также по стороні німецкой видно было на небі великий крест и горіючий меч. Пограничне населене пояснят появлене ся тых знаков на небі, яко предсказане близкой войны.

Закопане: Сильна вітерница ушкодила ливну колеїку, котра довозила людей на Каспровый Верх. Колеїка тота буде нечинна аж до часу додатковых уряджень, котры маюť запобічи случаям, якы трафяюť ся в часі великих вітров.

Львов: Львовский адвокат крыл свои ошадности в выжолобленной нозі от стола. Мал там укриты золоты монеты долларовы, золоты німецкы марки, австрийскы короны и инши. Ктоси украл ему укритый скарб и адвокат назначил високу нагороду для того, кто выкрые злодія.

Скарб украл Н. Фурда, котрый выїхал до Снятына и хотіл передостати ся до Румунии. Через границу мал го перепровадити Мих. Федорчук с Грынявы, котрый, вмісто запровадити Фурду до Румунии, запровадил его на постерунок полициі, за што достал 1.000 злотых от адвоката. У злодія найдено часть украденых грошей.

В пару неділь погодивше найдено труп Мих. Федорчука, котрого убил Дмитро Донець, штобы забрати 1.000 зл. и гроши, якы дал Федорчукови Фурда за переведене его через границу.

Донька и вдову по Федорчуку, котра по смерти мужа жила с Донецьком арестовано.

Крыница: Княжа голяндска пара опустила Крыницу дня 8. лютого о год. 8.30 и выїхала через Чехословакию до Будапешта. Где поїдут они с Венгрии, не знати. Може быти, же выїдут до Відня, а соттамаль до Цель ам Зее, где пребывает королева Вильгельмина. До границы товаришили королевским гостям совітник Залевский, дыр. Новотарский, гр. Курнатовский и гр. Мельжинский.

Самбор: В Самборі мало містце страшне событе. Украинець гр.-кат. священник Колинский, гимназияльный катехит, убил молоду дівчину. Священник тот, ище не старый, не жил со своей женом. Служила у него 21-літ-на дівчина Юлия Дудык. В понеділок по полудни свящ. Колинский повадил ся со служащом, вынял револьвер и стрілил до ней. Мешкаючий в сусідстві сержант дал знати на полицию. Полиция пришла и застала неживу дівчину с простріленом головом. Коло стола сидел свящ. Колинский в стані цілковитого замороченя от выпитой горілки. Морд Колинского выкликвал сильне пригноблене серед самборских украинофилов. Колинского арестовано.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ
ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО.

НЕХАЙ ЯКНАЙСКОРШЕ

за асекурує ся
в асекураційном Товаристві
ВИТА И КРАКОВСКЕ
во **ЛЬВОВІ**

Асекурацію приймаюť на цілої Лемковщині
представителі: гг. Осиф Ямовицкий — Крыница - Село
и Михаил Перелом — Сянок.